



成案質疑

課程二

卷八ノ二



內閣文庫		
番號	漢	9248
冊數	75 ( 18 )	
函號	296	100





私販聚眾十人以下拒捕傷人

康熙五十五年八月刑部會看得小張四等販賣私鹽打傷民人

斌身死一案據江撫吳 審擬絞戍徒罪等因具題查小張四周德

甫陳大朱六王三沈偶王孟佛王祥劉太初糜舍張信販私欲往嘉

定縣發賣僱黑二朱三元張洪船隻載往又僱何魁之船護送於康

熙五十二年六月十九日夜行至洪河地方適遇黃斌黃還王秀嚴

裕駕船捕魚德甫誤認巡船喝黨行兇德甫執羊角拐打傷黃斌右

後脇小張四執楫打傷黃還頭門致黃斌黃還俱溺水殞命各犯將

私鹽載至高元鬻子陸吉家發賣而散於七月十四等日陸續拿獲

小張四等歷審各認情真除為首拒捕之周德甫夥犯糜舍俱在監

病故不議外小張回合依盜徒聚眾十人以下拒捕傷至二人以上

下手首絞律擬絞監候秋後處決王孟佛朱六王三王祥沈偶俱照





為從律於邊衛充軍至配所杖一百折責四十板船戶黑二朱三元  
何魁俱合依受僱馱載律徒二年至配所杖八十各折責三十板踈  
脫陳太之差役吳上宰合依中途不覺失囚減等律徒二年半至配  
所杖九十折責三十五板為從之劉太初年逾七十應照律免議該  
撫既稱受張大行賄之保正騰萬仍以財行求之張大等俱照律杖  
責已經發落毋庸議脫逃之陳大等嚴緝獲日另結騰萬仍何魁所  
得銀錢及所賣鹽價并將載鹽船隻變價俱入官再該撫既稱監斃  
糜舍之管獄官上海縣典史嵇鼎寅已經病故失察私鹽之崇明縣  
知縣周薇嘉定縣知縣劉文謙顧涇司巡檢張仁蘇州府知府孟龍  
宗把總陸國寶俱經別案革職無容議外應將監斃周德中官獄官  
吳縣典史謝嗣芳照例罰俸三個月沿途失察私鹽之崇明縣縣  
劉時謙西沙司巡檢朱毓萃嘉定縣縣丞丁弘把總陸芳均照例

降二級留任縣丞劉時謙終養後於別案議處補官日降二級罰用  
今又降二級留任查縣丞無四級可降應於降二級補官之日革職  
留任署蘇州府同知事常州府通判照例於現任內降二級留任游  
擊時為煥系將趙武均各降一級留任其該道并運司運同運判監  
場大使例有處分應令該撫查叅查此案該撫既稱同縣十人已獲  
九名與獲賊過半之例相符除原叅已經革職休致病故各官該撫  
不開職名者無庸議接緝署上海縣事松江府通判陳澍松江府知  
府陞補雲南大理府知府又經丁憂胡克寬松江府知府李文淵千  
總趙國英守備陳昇均應免議外應將原叅松江府通判陳澍把總  
毛相革職留任限年緝拿之案蘇松降調糧道王英謀叅將胡德麟  
降二級留任限年緝拿之案均准其開復奉

旨小張四依擬應絞着監候秋後處決餘依議



川野屋

ノ

Faint vertical text columns, likely bleed-through from the reverse side of the page. The text is illegible due to fading and the texture of the aged paper.



私鹽拒捕

康熙四十年七月刑部議浙撫張 疏邊四老與伊弟邊小老等越  
界興販私鹽往山陰地方向鹽販楊聖先等買鹽五擔僱王德等分  
挑及同行之周文賓亦往周山埠地方向鹽犯吳陸友販四担僱劉  
文秀等分挑一共九人回至暨境地方各處挑販驟集為盜捕沈芳  
等知覺報官截擒邊四老等即持鎗聚眾拒捕被擄役放鎗將邊小  
老打死眾販棄鹽逃遁當獲邊四老等三人并私鹽一百一十九担  
歷審與販拒捕止邊四老等九人雖獲私鹽計一百担有餘多屬四  
散零販一時輳集一聞擒捕即棄鹽遠竄並非聚夥豪強將邊四老  
等照鹽徒聚眾十人以下拒捕律擬以絞成徒杖具題查此案先據  
巡鹽御史綽 奏奏邊四老等聚眾三百餘人與販私鹽該縣等帶  
領兵捕擒獲不服拘拏拒捕傷役此處甚明今該撫何得遽稱同夥



止有九人况私鹽數百担亦豈得謂之不意而遇原非同夥其中聚眾十人以上執持兵器拒敵官兵隱匿情弊顯然事關大夥與販拒抗官兵不便遽結應令該撫照例另委別員嚴究夥黨詳審確擬具題再議奉

旨依議

販私拒捕情事未確引擬未協

乾隆六年十一月刑部會議覆馬康侯等販私拒捕一案先據安撫陳疏稱馬康侯同子馬和在宿遷縣買鹽八十斤行至青墩地方先後撞遇白之車等俱各帶有私鹽遂結伴同行至虹縣徐家岡地境營兵楊世祿丁俊翟陞彭士雄上前擒拿馬康侯等將楊世祿等毆傷并搶去刀鎗弓箭而逸屢審不諱被毆兵丁傷已平復將馬康侯董奇擬絞白之車等擬徒等因具題經臣部等衙門以律載私鹽事發止理現獲人搵獲鹽不獲人不追獲人不獲鹽不坐又例載貧難軍民將私鹽肩挑背負易米度日者不必禁捕又四十斤以下不加緝究各條例通行在案此案叅令閩于君聽從衙役開報姓名遂將馬康侯等陸續獲解除馬康侯曾經犯案外其餘各犯僉供止此一次各買各搵并不認識至徐家岡相遇并有販糧趕脚人等亦結



伴同行其鹽自二十斤至八十斤輕重不等俱換糧食吃用了等語是贓無實據訪撫疏稱馬康侯年逾八十明係衙役扳害無辜特借馬康侯曾有販私舊案以實其事情節顯然承審各官竟行定案已屬不合且不細核案情詳查律例既非糾夥與販何得引聚眾之條偶然攜帶換糧亦難與販私同罪監斃之吳印取保病故之榮一宗所買鹽斤但在三十斤以下已屬拖斃無辜復接引鹽徒聚眾等例將馬康侯董奇擬絞彭國寶等擬徒更屬草菅人命應令該撫再行詳審妥擬具題等因咨行去後今據原署安撫楊 疏稱提犯研鞫仍供認販私拒捕毆兵各情由悉與前招無異馬康侯董奇應仍擬絞白之車等擬徒等因具題前來查該署撫疏稱被搶鎗刀業經起獲實係拒捕確憑即屬販私實據雖人盜不獲律有不坐不追之條而拒捕傷兵並無不究不疑之例馬康侯年逾八旬驗猶康健等語

查被搶鎗刀係在五河縣關獲并非現犯馬康侯等家起出何以即指為拒捕確憑硬坐以販私實據即令拒捕屬實亦必果係販私方擬死罪豈有律應不坐不追因其拒捕遂不問其是否鹽徒竟行擬絞之理至馬康侯年逾八十拒捕傷兵情事本屬可疑而該署撫又稱吳印榮一宗應一體勾問不料邂逅病故與拖累無辜有間等語詳釋邂逅二字係通然相值似乎偶因勾問即遇病而死及檢閱原招榮一宗於乾隆三年六月十二日到案至四年十一月二十三日病故吳印於乾隆三年八月二十八日到案至四年二月二十日病故諒二犯所買鹽斤在四十斤以下不應緝捕乃又拘禁圍圍因而致死竟謂之邂逅病故則鹽快兵丁指認馬康侯拒捕毆傷又焉知非捏飾虛詞鍛鍊成獄再查例內豪強鹽徒聚眾及兵民聚眾兩條原指博駕大船張掛旗號并糾夥結黨販賣圖利者而言至各買各



鹽中途撞遇既非聚眾可比而且攜帶鹽斤換糧食用并未轉售獲利又何得意謂之販私承審此等案件自應詳加分別其不應緝捕者即行開釋其例應緝究者照買食私鹽例科罪至拒捕人犯既與盜徒聚眾等例不符亦自應照罪人拒捕傷人律科斷乃不加詳察將馬康侯董奇擬絞白之車等擬流又援引定例謂虹縣係銷引地方易米度日如在銷引地方販賣一體查拏等語此指在銷引地方販賣而言今各犯鹽斤買有宿遷縣其携帶回家吃用或在五河縣或在鳳陽府等處并非在虹邑販賣與雍正六年之例絕不相符又何得支離牽引借端羅織是此案疑竇仍復多端而引用例文更加舛錯事關人命實難朦混率結應令該撫再行詳審妥擬具題到日再議可也奉

旨依議

販私拒捕毆死汛兵

雍正八年七月刑部會議覆開平縣民譚尹印等販私拒捕傷死汛兵陳起鳳一案先據署廣撫傅 疏稱緣譚尹印等貧難度日於雍正五年十二月初五日各於開平縣屬樓岡沙坪寺前等墟各買鹽二三十斤及四十斤不等回家適聞高要縣地方鹽價稍昂即將鹽斤挑回高要地方發賣十二月初九日行至高明縣屬之大荒山逕時值傍晚且此處係入高要總路陸續踵至湊過三十三人名將米糧炊飯而食待至次日五更時候先後挑鹽起行路由高要大企山逕轉至范山佈佛覬岡三鄉交界地方被汛兵陳起鳳林玉等與埠工魯元年等堵截緝拿時有邱上德徐亞丙蕭發厚李嗣星區懿發李嗣尊區亞吉許福厚等各棄鹽奔遁譚尹印區德光區恒益李存直周廣運鄧亞六盧德積李德臣李應連李弘學李亞霞等因埠丁



汛兵攔截一時圖脫卽取挑鹽扁担木棍拒捕李弼學在前用鉄嘴扁挑戮傷兵丁陳起鳳越日殞命各埠丁汛兵一齊擁前點放鳥鎗遂將李弼學傷死歷審各認不諱除李弼學拒捕傷死及李應連在監病故許福厚保後在外病故均不議外應將拒捕未經傷人之譚尹弘區德光區恒益李存直周廣運鄧亞六盧德積李德臣俱合依鹽徒聚眾十人以下原無兵仗遇有追捕拒敵因而傷至二人以上爲從律擬軍棄鹽先逃未經拒捕之邱上德徐亞丙蕭發厚李嗣星區懿發李嗣尊區亞吉俱依犯私鹽律擬徒妄稟李偉仁等搶鹽奪械之兵丁林玉區智雄埠丁魯元年李公註各照不應重律擬杖等因具題經臣部以譚尹弘等三十三人同行販私聚在一處炊飯而食次日遇見汛兵陳起鳳等堵截譚尹弘等二十五人取鉄嘴扁挑拒捕將陳起鳳戮傷身死明係大夥販私拒捕殺人承審各官並不

嚴究實情止將譚尹弘等照聚眾十人以下拒捕殺人律擬以軍徒情罪不符事關大夥販私拒捕殺人有干法紀不便率結應令該撫另委賢員再加詳審妥擬具題到日再議等因題駁咨行去後今據署廣撫傅疏稱研訊譚尹弘等堅供當日實因各赴沙坪等墟零買鹽斤回家適聞高要縣地方鹽價稍昂於雍正五年十二月初九日各自先後分挑往賣圖覓微利比至高明縣大荒山逕係入高要縣總路時將黑夜不期邂逅共有三十三人共將米糧炊飯而食次日五更先後挑鹽起行由高要大企山逕轉至佈佛范山峴岡三村交界地方汛兵埠丁截擒蕭發厚李嗣星區懿發李嗣尊區亞吉許福厚邱上德徐亞丙八人各皆棄鹽奔逃惟李弼學逞勇執鉄嘴扁担爭先拒捕譚尹弘區德光區恒益周廣運鄧亞六盧德積李應連李德臣李存直李亞霞等各執持挑鹽扁挑木棍在後詰就李弼



學川鉄嘴扁挑戮傷兵丁陳起鳳越日殞命李弘學亦被戕兵林玉放鎗當場傷死譚尹弘等驚慌遂各棄鹽逃遁實係一時湊遇並非為首糾約之人亦無執有軍器反覆嚴詰復據供稱若果同夥約會當日汛兵準丁止一十餘人譚尹弘等除逃走八人外尚有二十五人自必齊心合力抵敵何致李弘學被傷身死各俱棄鹽奔逃等語其為一時湊合並非糾集大夥與販委無遁情似不便以邂逅撞遇之徒作為糾會同夥即照十人以上犯私鹽律利斷將譚尹弘等仍照原擬等因具題除殺人之李弘學當場拒捕被兵丁鎗傷身死李應連取供後在按察司監病故許福厚印上德徐亞丙俱於取供後候候在外病故取具印甘各結李德臣李存直取供後在高要縣監病故均不議外應如該撫所題譚尹弘區德光區恒益周廣運盧德清鄒亞六俱合依鹽徒聚眾十人以下原無兵仗遇有追捕拒捕而傷至二人以上不曾下手者仍為從論發邊衛充軍律僉妻發邊衛充軍至配所杖一百折責四十板棄鹽先走之蕭發厚李嗣星區懿發李嗣尊區亞吉合依犯私鹽律杖一百徒三年至配所杖一百折責四十板俟限滿回籍交與地方官嚴行管束不許出境該撫既稱妄稟之兵丁林玉區智雄準丁魯元年李公註均應照不應重律杖八十折責三十板照例先行折責發落分別革糧約束等語應毋庸議脫逃梟犯李亞霞李嗣獲區德求李弘利許光選李道極李立華李亞肇李嗣用李亞尾李亞仔并不識姓名四人嚴緝務獲另結再該撫疏稱許福厚印上德徐亞丙俱係保候在外病故管獄職名無憑查開所有監斃李應連管獄職名係按察司司獄盧沆監斃李德臣李存直管獄職名係前代理高要縣典史事肇慶府病故司獄王崑壁承審病斃李應連許福厚職名係前任廣東按察使公元承

而傷至二人以上不曾下手者仍為從論發邊衛充軍律僉妻發邊衛充軍至配所杖一百折責四十板棄鹽先走之蕭發厚李嗣星區懿發李嗣尊區亞吉合依犯私鹽律杖一百徒三年至配所杖一百折責四十板俟限滿回籍交與地方官嚴行管束不許出境該撫既稱妄稟之兵丁林玉區智雄準丁魯元年李公註均應照不應重律杖八十折責三十板照例先行折責發落分別革糧約束等語應毋庸議脫逃梟犯李亞霞李嗣獲區德求李弘利許光選李道極李立華李亞肇李嗣用李亞尾李亞仔并不識姓名四人嚴緝務獲另結再該撫疏稱許福厚印上德徐亞丙俱係保候在外病故管獄職名無憑查開所有監斃李應連管獄職名係按察司司獄盧沆監斃李德臣李存直管獄職名係前代理高要縣典史事肇慶府病故司獄王崑壁承審病斃李應連許福厚職名係前任廣東按察使公元承



審病斃徐亞丙職名係以同知銜管肇慶府知府事劉正遠但承審病斃一二名例得免議李德臣李存直邱上德俱于前次審題後病故承審病斃職名無憑查開等語查定例軍流人犯監斃一人者管獄官罰俸三個月又承問官將正犯取有口供監斃一二人者免議等語除許福厚等係保候在外病故管獄職名應免查叅署典史王崑璧已經病故毋庸議按察司公元知府劉正遠均照例免議外應將監斃軍犯李應連一名之司獄盧沆罰俸三個月其病斃李德臣等三名之承審職名例有處分仍行令該撫查明補叅到日再議又疏稱所有沿途失察文職係前署沙岡巡檢司事開平縣松柏司告休巡檢戴錫彤開平縣降調知縣常三書高明縣典史陳朝聘原署高明縣事開平縣降調知縣常三書兼轄係肇慶府海防同知孫燾同城原任肇慶府患病回籍調理知府王澄慧統轄係原任廣東分

巡肇高廉羅道今授廣東布政使王士俊至肇慶協失察武職常三書係原任肇慶協左營千總曾廷用兼轄係肇慶左營守備降一級戴罪緝拿胡士儒統轄係原任肇慶協副將今調補南雄協副將李斯援春江協失察武職常三書係春江協右營把總兼顧開平汛務林二兼轄係前署春江協右營守備事原任督標左營守備甘良臣統轄係春江協副將陳顛相應附叅聽候部議再春江協常三書千總楊澤榮赴省請領雍正六年春季分官兵俸餉因公出境汛務係把總林三兼顧合併聲明等語查定例與販私盜該管典史知縣千總把總守備失察一次者降二級留任道府副將等官失于覺察一次者降職一級等語除戴錫彤已經休致千總曾廷用楊澤榮俱經斥革均毋庸議外應將知縣常三書典史陳朝聘守備胡士儒把總林三守備甘良臣均照例降二級留任常三書又署高明縣事應照例再降



二級留任查常三書已題署直隸懷來縣知縣應于此二案每案千  
現任內降二級留任同知孫燾知府王澄慧肇高廉羅道王士俊副  
將李斯援陳顯均照例降職一級查王澄慧已補江南蘇松道王士  
俊已陞本省布政使均應於現任內降職一級奉  
旨依議

私販拒捕未曾傷人

康熙二十八年十二月刑部會議覆王二官等駕船帶械販賣私  
一案據江撫洪 審擬斬戍徒杖免具題前來查王二官之父王  
瑞生與余閣公合置一船原欲裝草康熙二十七年九月初六王二  
官嗜利販鹽現獲私鹽九百二十七包內水手項三等八人名下共  
帶鹽五十六包外餘俱王二官販買欲往包港地方發賣被福山營  
巡兵鋒獲嚴訊拒捕情形王二官止拋石子幾塊並無執械拒捕傷  
及官兵歷審情真王二官合依豪強盜徒雖拒敵不曾傷人爲首斬  
律擬斬監候秋後處決除顧祥金聞取供後病故不議外項三陳長  
袁福周大朱大陳大均合依爲從發邊衛克軍律發邊衛克軍胡大  
等俱係臨時雇誘上船均合依受雇馱載杖八十徒二年律杖八十  
徒二年余閣公王瑞生雖非同時並獲供不知情但旣爲船主不行



查管合依不應重杖事在康熙二十七年十月二十三日  
赦前均應免罪鹽船變價入官奉  
旨依議

買食私鹽不容搜查拒毆致死汎兵

乾隆三年七月刑部會議覆新安縣民黃一畧等毆傷汎兵劉元瑞  
身死一案據署廣撫王 疏稱黃一畧與馮友章鄭文聖鍾亞貴四  
人合伴買有片糖租賃小船裝載于乾隆二年二月二十六日駕船  
往香山縣地方發賣中途遇風飄至土山灣泊二十七日有老婦孩  
子五人各携鹽八九斤赴船換糖黃一畧等欲為醃魚食用將糖六  
斤換得鹽四十四斤干二十八日至半沙村外海邊灣泊黃一畧等  
素與村人黃奕兼熟識黃一畧赴看回船黃奕兼肩挑籬筐至船買  
糖進艙吃烟見筐內有鹽欲買回食用遂問黃一畧求買黃一畧以  
換鹽過多留存七斤將鹽三十七斤議定每斤價錢三文黃奕兼交  
錢挑走上岸適汎兵劉元瑞林安望見至船盤查馮友章即將存鹽  
七斤傾入水中被劉元瑞等看見疑其尚有鹽斤藏在糖底各令搬



起盤查黃一畧恐片糖破碎不肯搬查致相爭罵劉元瑞卽拿木戩向打黃一畧左臂黃一畧拾起槳柄還打劉元瑞左乳下劉元瑞扭住黃一畧胸襟仍拿木戩毆打黃一畧劉元瑞失足誤踏鄭文聖之脚鄭文聖氣忿拳打劉元瑞右肋黃一畧因劉元瑞扭打又持槳柄抵傷劉元瑞右額頰及齒劉元瑞仍扭黃一畧混打黃一畧又用槳柄打傷劉元瑞左額角劉元瑞始釋手登岸維時林安在船尾與馮友章爭詈林安先拿木戩毆打馮友章馮友章將竹篙回打林安面心林安見劉元瑞上岸一面叫喊一面登岸報汛有許字賓聽見趨救不及劉元瑞負傷行走數十步仆跌倒地許字賓攙扶坐起黃一畧恐被追拿開船竟去管隊黃傑英聞報帶兵前至地保黃邦月亦到隨將劉元瑞擡回調治詎劉元瑞傷重是夜殞命嗣經拿獲各犯屢審不違將黃一畧等擬以斬流徒杖援

亦等因其題應如誦署無所題黃一畧合依罪人拒捕殺人者斬律擬斬監候秋後處決鄭文聖馮友章均合依爲從減一等律杖一百沈三千里鍾亞貴合依買食私鹽因而貨賣律杖一百徒三年黃奕兼合依買食私鹽律杖一百但鄭文聖馮友章鍾亞貴黃奕兼俱事犯在乾隆二年四月十六日

恩赦以前相應援免諱署撫旣稱許字賓救阻不及地保黃邦月審不知情黃奕兼所買之鹽與黃一畧剩下之鹽已傾入水無憑起追老婦孩子審係不知姓名各止鹽八九斤例免緝訊黃一畧等所得賣鹽錢一百一十一文照追入官等語均應如誦署撫所議完結再該署撫疏稱本案鹽僅四十四斤係老婦孩子零星換糖並非場灶私賣且經汛兵查拿審供同夥四人俱已全獲並無失察踈縱職名毋庸開恭等語均毋庸議奉



吉黃一畧依擬應斬著監候秋後處決餘依議

私梟無兵仗但致死官兵者從重改擬

雍正四年五月刑部會議覆浙撫傅 疏稱雍正二年三月間歸安  
縣埭溪出笋需鹽張天寶周天惠俞金千富子千褚國章顧河三等  
六人同海寧許村場灶戶沈殿章或買或換各負鹽六七十斤不等  
適姚聖期與吳世昌陳國正陳士相等四人亦各在場求乞零鹽而  
來彼此湊遇沿途又遇周天茂邱伯於郭子明王子良褚邦達章聖  
元顧生仁邱子良方子良朱四老張子英顧鳳林高天相周曲子褚  
聖初陳瑞林褚五老徐聖儀孫萬茂等十九人各挑零鹽陸續隨行  
於三月二十六日同至候射塘橋遇原任湖協左營守備黎元率領  
已故千總孫永清帶兵攔阻各犯求免不允遂皆闕開官兵始放鎗  
箭姚聖期將周天惠布圍裙縛於匾担之上令陳國正執持搖擺喊  
衆拒敵姚聖期同張天寶周天惠俞金千富子千等携拏匾担石塊



土前拒敵致死兵丁沈有成及方盛張元狄起祥等四人其餘兵丁九名與千總孫永清俱被毆傷鹽犯各受傷逃逸歷審各犯俱係先後路遇並非一夥難引沿途聚衆十人以上之律倡率拒敵之姚聖期依沿途聚衆十人以下原無兵仗遇有追捕拒敵因而傷至二人以上者之例具題除張天寶等病故均不議外姚聖期等聚衆販私遇有官兵追捕姚聖期卽倡率拒敵周天惠俞金千富子千一同上前傷死兵丁沈有成等四人併毆傷兵丁九名又毆傷千總孫永清情罪可惡應將姚聖期周天惠俞金千合改依豪強沿途聚衆十人以上拒敵官兵若殺人及傷三人以上者比照強盜已行得財律皆斬爲首者仍梟首示衆律俱擬斬立決爲首之姚聖期仍梟示雖拋泥塊並未傷人之褚國章聽從指使執裙招衆之陳國正合依爲從律俞妻發邊衛充軍至配所杖一百折責四十板並未拒打官兵懼

怕躲避田中之顧阿三與不知拒捕情由畏懼逃回之郭子明俱挑負私鹽四十斤以上灶戶沈殿章私賣鹽六十斤以上俱應炤犯私鹽律徒三年至配所杖一百折責四十板顧阿三犯事時年止十五炤律收贖該撫旣稱周天茂陳士相各因懼怕躲避田中看鹽並未拒打官兵伊等止挑鹽二十五斤卽伯千俱怕逃回不知拒捕情由止挑鹽十一斤俱不在禁例所獲私鹽業經變價給賞已死兵屬收領俱毋庸議未獲鹽犯邱子良等嚴緝獲日另結失察灶丁販私之海寧縣許村場大使王化炤例革職失察販私十人以上經由之海寧縣赭山司巡檢梁傑仁等俱炤例各降二級留任奉

旨姚聖期着卽處斬梟示周天惠俞金千富子千俱着卽處斬餘依議



挑鹽在本縣別鄉貨賣遇兵查拏拒敵傷人致死

乾隆元年三月刑部會看得歸善縣民謝亞尾等販私拒捕傷死兵丁梁庚養一案據廣撫楊疏稱緣謝亞尾與呂子發會朝欽同鄉居住與海洲鹽田相近各挑煙糖時往貨賣每人陸續換得不識姓名之晒丁口食鹽四五十觔謝亞尾見本鄉鹽價稍賤遂於雍正十二年十二月十七日早糾約呂子發會朝欽挑鹽往縣屬牛牯徑等村售賣希圖多得錢文是日各卽挑鹽起行途遇隣鄉鄭道矩亦將伊向日用菜換易晒丁口食鹽三十觔挑往發賣遂卽湊合同行共黨四人迨至長嶺地方謝亞尾呂子發會朝欽鄭道矩落後適有守早坑仔汛營隊李有功帶同兵丁申尙華林興梁庚養至嶺巡查分路守候謝亞尾呂子發挑鹽上嶺梁庚養持棍堵截查拿謝亞尾因與梁庚養熟識懇求釋放梁庚養不從謝亞尾出言詈罵梁庚養將



棍向打謝亞尾謝亞尾執持扁挑抵格打傷梁庚養左脊齊梁庚養還打謝亞尾閃開復用扁挑打傷梁庚養右後肋呂子發亦用扁挑打傷梁庚養右脚脚厥倒地李有功等聞喊趕至謝亞尾棄鹽仍執扁挑抵敵當被李有功用棍擊落扁挑擒拿細縛并獲呂子發等梁庚養傷重移時殞命歷審不諱查謝亞尾等挑鹽雖未出境但以無引私鹽結黨挑往別鄉售賣希圖獲利與貧民易米度日者有間除呂子發曾朝飲在監病故不議外謝亞尾爲首拒捕傷死兵丁合依十人以下拒捕殺傷人例擬斬監候照例刺字鄭道矩在後逃回並未拒捕合依不帶軍器不曾拒捕仍照私鹽律擬徒等因具題應如該撫所題謝亞尾合依販私聚眾十人以下拒捕殺人不諭有無軍器爲首者斬律擬斬監候秋後處決鄭道矩合依不帶軍器不曾拒捕不分十人上下仍照私鹽律杖一百徒三年至配所杖一百折責

四十板俟徒限滿日遞回原籍交與該地方官嚴加管束不許出境謝亞尾鄭道矩所犯俱事在雍正十三年九月初三日

恩赦以前相應援免仍令該撫向該犯名下追埋葬銀二十兩給付被殺家屬收領再該撫疏稱本案並非大夥與販帶有軍器且同夥四人俱已全獲疎防職名業據詳請免參至各犯所挑鹽觔係零星換自晒丁口食之鹽並非偷漏賣私場官職名應請免開等語均無庸議奉

旨依議



私梟拒捕傷死巡丁傷人夥犯不應拏 赦免

乾隆二年十二月刑部會議覆私梟陳勝等拒捕傷死巡丁温勝一案據署廣撫王 疏稱緣陳勝于乾隆元年四月十一日往茂名縣屬那祿地方回不識姓名之老幼男婦零星買得盐筋裝擔起行是晚適遇認識之林鼎國梁長脚林爲幹各挑盐筋同出墟外又遇不識梟販十二人同在僻路行走至淺水地方又遇趙顯榮廖亞木黎汝洪伍亞六并不識姓名四人亦各挑盐在前渡水共二十四人連夜偕行十三日早甫至山茶村邊卽遇巡丁王奇勝等堵截搶奪各犯驚惶棄盐水坑星散奔遁巡丁埠工分頭追捕陳勝被截情迫先持扁挑拒捕打落劉進賢月鏟搶奪過手鏟傷劉進賢左胳膊劉進賢退縮温勝與林鼎國對敵被傷 左肱左膝左腕温勝砍傷鼎國腰腿流血陳勝持鏟赴救先戳温勝右脚踝温勝向趕陳勝又傷



溫勝偏左溫勝受傷倒地登卽殞命維時埠工蘇賢亦被梁長脚戮傷左腿廖亞木趙顯榮林爲幹雖執扁挑拒捕但未傷人陳勝等見傷死巡丁亦各奔散陸續緝獲梟徒廖亞木陳勝等到案屢審不諱查此案盜徒雖有二十餘人然皆中途先後湊合並非造意糾夥販私亦未帶有軍器不便遽照十人以上律定擬將陳勝等擬以絞成徒杖援

赦等因其題應如該署撫所題陳勝首先拒捕傷死巡丁溫勝各依兵民聚衆十人以下拒捕殺人不論有無軍器爲首者斬例擬斬監候秋後處決照例刺字其同行拒捕並未下手傷人之趙顯榮林爲幹廖亞木均應照不曾下手者發邊衛充軍例僉妻發邊衛充軍至配所折責四十板黎汝洪伍亞六被截先逃並未拒捕均合依犯無引私盜律杖一百徒三年至配所各折責四十板汛兵蔡華保正柯番光

不行查察私梟均照不應軍律杖八十但趙顯榮等各犯均事在乾隆二年四月十六日

恩赦以前相應援免再該署撫疏稱戮傷溫勝左肱肱右臙肋之逸犯林鼎國嚴緝獲日另結其傷人最輕旋即平復之梁長脚與埠工莫宇海供出未經拒捕傷人之高忠亞九及不識姓名梟徒一十四人罪應援免免其緝拿等語查梁長脚係拒捕傷人之犯不便免緝應令該署撫將梁長脚並戮傷溫勝之林鼎國嚴緝務獲另結其未經拒捕傷人之高忠亞九及不識姓名梟徒一十四人均應如該署撫所請免其緝拿又查疏稱本案失察文職係茂名縣亦水巡檢司革職留任巡檢孫祥茂名縣革職留任知縣林炯兼轄則係原任高州府丁憂通判張天澤同城高州府知府聶大勳統轄則係分巡高雷廉兵備道毛世榮等語查此案先經署督將疎防之巡檢孫祥等指奏



吏部業將巡檢孫祥等照例議處俱限一年緝拿在案應行令該署撫侯限滿盜犯梁長脚等有無緝獲照例查參至此案沿途失察各官先經署督于疎防疏內聲明隨招附參等語今疏內並未聲明應令該署撫查明到日再議又疏稱武職卞汎則係委署高州鎮標右營左哨革職千總鄧斌兼轄則係原委往黔省協勦逆苗原任高州鎮標右營遊擊今調湖廣督標左營遊擊張守鳳原代理遊擊事務則係化石營都司劉文燦統轄則係原委總統粵東官兵赴黔協勦逆苗原任高雷廉羅鎮今調補福建漳州鎮總兵官譚行義原代理鎮務則係雷州協副將姚源忠等語查定例內諠徒拒捕兵丁被其毆傷不能擒獲者專汎官革職兼轄官降一級留任統轄官罰俸一年今此案該署撫所參失察武職各官內除專汎千總鄧斌兼轄遊擊張守鳳先據該署督楊指參兵部將千總鄧斌照例革職遊擊

張守鳳協勦逆苗因公出境免議在案毋庸議外應將代理遊擊劉文燦照例于現任內降一級留任代理總兵官姚源忠照例于現任內罰俸一年查劉文燦在內有加一級應銷去加一級免其降級至高雷廉鎮總兵官譚行義既總統官兵赴黔協勦逆苗應毋庸議又疏稱高州府知府聶大勳據報私梟拒捕之日行調赴省審理行劫陳長茂等商船案內盜犯方進安等係屬因公出境等語查高州府知府聶大勳先經該撫聲明因公出境吏部議以毋庸議在案應毋庸再議奉

旨陳勝依擬應斬著監候秋後處決餘依議



販私拒捕傷死埠丁并中途搶犯

乾隆四年七月刑部會議覆宣化縣民曾綏賢等販私拒捕傷死埠丁李貴單二及李父直等中途搶犯一案先據署廣撫王疏稱緣曾綏賢與黃王穆黃本奇陸朝陽章扶茶草王朶曾能良黃能回李扶德李扶友李扶祖李王獨章王累隣村而居於乾隆元年正月初三日聚坐閒談李扶德即以欽州白石場平山廩有貧難老幼婦女挑零鹽售賣其價甚賤邀同往販獲利各皆應允約定初四日會齊至期曾綏賢黃王穆黃本奇曾能良黃能回各持竹篙槍陸朝陽執持木柄鉄鏟餘俱執持扁挑挑籬起行共夥一十三人從小路入欽州界內又有李扶忠李扶藕李扶死譚星運李父思黃王由譚王厚共夥七人于初四日早同在村外閒坐黃王由起意販私各皆允從遂帶扁挑竹籬會齊起行亦由小路入欽州界內初六日兩相會遇



一路同行初八日齊至荒路見有婦女挑鹽經過各犯陸續接買六七十斤不等初九日挑鹽而回十二日至交址坪地方適為練兵何鳳翔等窺見往報邠蒙率同埠丁李貴單二李阿二等共十五人前往截拿因中隔一河無船可渡各持鎗棍隔河喊拿李貴單二素識水性持鎗涉水過河李扶德李扶忠等棄鹽于河即先逃遁曾綏賢起意拒捕喚同陸朝陽黃王穆黃本奇曾能良黃能回歇拒立候單二李貴登岸單二持鎗先戮曾綏賢曾綏賢閃開用竹槍戮傷單二二右太陽陸朝陽用鎗斃傷單二左血盆曾能良用竹槍戮傷單二咽喉覆跌在地曾能良復拾單二之鎗斃傷單二腦後身死李貴持鎗先戮黃王穆黃王穆閃開用竹槍戮傷李貴右脇黃本奇用竹槍戮傷李貴髮際黃能回用竹槍戮傷李貴咽喉仰跌在地黃能回復

李貴之產陸朝陽李貴右額角斃命曾綏賢等亦將鹽棄河逃回維

時李阿二亦欲涉河因滑倒陸朝陽止何鳳翔等不能涉河往援追擒即報埠書韋銓開列認識之陸朝陽等稟州通詳乾隆元年二月初四日經宜邑巡檢拿獲陸朝陽李扶忠李扶蕪韋扶茶韋王朶解縣二月十五日僉差解役唐芳等十名移撥營兵尤登奇等十一名押解陸朝陽等赴欽州收審有李父直因陸朝陽等係伊親友起意中途捨脫遂往糾方父伯農父益農父元黃父果陸王弗韋父翁韋父合各皆允從又糾約韋扶茶之母舅張扶任及與陸朝陽等同夥販私之李扶德黃能回俱囑令轉糾夥黨張扶任轉糾黃父科陸公意陸扶佳陳王咄而李扶德黃能回轉找施王生潘扶農李扶封黃父喜黃父召韋父禹韋王平韋王馬韋扶棉均于十六日至李父直家會齊共黨二十四人各携柴棍連夜行至雷公巖藏伏十七日早兵役押解陸朝陽等五犯經過李父直等持棍擁出兵役驚避



遂將各犯槍奔無踪嗣據梟犯曾綏賢黃王穆黃本奇陸朝陽韋扶  
 茶譚星運自行投首并陸續拿獲梟犯韋王朶等槍犯李父直等屢  
 審各認不諱除李父思病故外查曾綏賢等一起十三人與李扶忠  
 等一起七人係中途湊合並非一夥且惟曾綏賢一起內五人持竹  
 槍一人持泥鎚均非軍器未便照十人以上帶有軍器與贓私並例  
 問擬曾綏賢應照十人以下拒捕殺人不問有無軍器為首者斬例  
 擬斬監候陸朝陽黃王穆黃本奇照下手者絞例俱擬絞監候陸朝  
 陽被獲脫逃復行投首應免加逃罪仍照例擬絞監候曾綏賢黃王  
 穆黃本奇均係自行投首查名例內載損傷于人不在自首之律小  
 註又云因犯殺傷于人而自首者得免所因之罪仍從故殺傷法等  
 語再查竊盜拒捕殺傷人律註自首者但免其盜罪仍依鬪毆傷人  
 律論曾綏賢係為首拒捕殺傷人之犯自行投首應照免其所因販

私拒捕之罪仍依鬪毆殺入律論曾綏賢令依鬪毆殺入律擬

候黃王穆黃本奇為從拒捕下手傷人自行投首亦得免其販私拒  
 捕之因但律例並無販私拒捕為從傷人自首量減正條黃王穆黃  
 本奇比照強盜傷人不死自首例擬軍聲明事在

恩赦以前應否援免聽候部議販私之革扶茶等擬徒李扶忠等擬流槍  
 犯為首之李父直擬斬監候為從之方父伯等擬軍并將軍流徒犯  
 援

赦免罪等因具題經臣部等衙門查犯殺傷于人而自首者得免所因之  
 罪仍從故殺傷法自首條內律註甚明至竊盜傷人自首但免其盜  
 罪仍以鬪毆傷人律論蓋指傷人不死者而言非謂拒捕殺人者  
 竟得以鬪殺論也此案起意主使拒捕殺死李貴單二係曾綏賢而  
 黃王穆黃本奇皆聽從下手今既俱經自首應將為首之曾綏賢免



其販私拒捕之罪仍從故殺律定擬其聽從下手之黃王穆黃本奇亦免所因之罪似應照為從減等律科斷今該撫將為有拒捕之曾綏賢援引竊盜傷人自首復比照開殺律擬絞監候聽從主使下手之黃王穆等比照強盜傷人不死姑准自首例擬軍不但輕重失倫抑且一事兩例情罪未協再陸朝陽係被李父直等搶脫之後仍自投者並非自行脫逃且不知糾搶情事被搶之犯並無加罪之條同係自首未便止免逃罪且韋扶茶亦係搶後自首韋王朵李扶忠李扶藕亦係搶脫並非自行脫逃應令該署撫一并詳加妥擬至搶犯李父直等販私之李扶宛等應俟該署撫一并具題到日再議等因題駁去後今據該署撫疏稱曾綏賢係起意拒捕殺人自行投首查名例內載因犯殺傷于人而自首者得免所因之罪仍從故殺傷法又查竊盜拒捕殺傷人律註自首者但免其盜罪仍依開毆傷人

論等語因泥于律文兼有殺傷字樣是以將會綏賢照開毆殺人律擬絞監候今奉部駁竊盜傷人自首但免其盜罪仍依開毆傷人律論蓋指傷人不死者而言非謂拒捕殺人者竟得以開殺論等語則曾綏賢起意拒捕殺人自行投首自應依犯罪自首律註殺人自首得免所因之罪仍從故殺法科斷曾綏賢應改為擬斬監候聽從下手之黃王穆黃本奇亦係自首得免所因販私拒捕之罪查殺傷人無因首得減之條但此案既將為首之曾綏賢擬抵若將為從二犯概置重典既與比照故闕律科法不符又難照餘人輕律定擬此外別無私販為從下手殺人自首正條是以將二犯比照強盜傷人不死自首例擬軍今奉部駁應照為從減等律科斷黃王穆黃本奇應改照為從律減一等擬流陸朝陽係聽從下手被搶脫後自行投首之犯今奉部駁被搶之犯並無加罪之條自應同為從下手自首



之黃王穆等一例擬斷陸朝陽合改照爲從律減一等擬流韋扶茶  
韋王朶李扶忠李扶藕販私並無拒捕均被搶脫今奉部駁搶脫無  
加罪之條韋王朶李扶忠李扶藕均合改依犯無引私搵律擬徒韋  
扶茶被搶後復自投首應改依知人欲告自首律減罪二等擬徒不  
知拒捕情事之私販李扶宛譚星運應仍照原擬依犯無引私搵律  
擬徒但譚星運自行投首應照知人欲告自首律減罪二等起意搶  
梟之李父直仍照原擬擬斬監候方父伯農父益農父元黃父果陸  
王弗均照原擬擬軍并聲明軍流徒罪人犯黃王穆等均事犯在乾  
隆二年四月十六日

恩赦以前應請援免最後下手傷死單二李貴之正克曾能良黃能回緝  
獲另結私販李扶德等及搶犯張扶任等均免緝拿等因其題前來  
除李父思病故不議外應如該署撫所題爲首拒捕殺人之會緝

合依因犯殺傷于人而自首者得免所因之罪仍從故殺法

斬律擬斬監候秋後處決爲首搶犯之李父直合依官司差人搶獲  
罪人中途打奪聚至十人爲首者斬律擬斬監候秋後處決該署撫  
疏稱爲從拒捕傷人之黃王穆黃本奇亦係自首得免販私拒捕之  
因亦應照爲從減一等律杖一百流三千里爲從拒捕傷人之陸朝  
陽販私之韋扶茶章王朶李扶忠李扶藕俱係被人搶脫且不知糾  
搶情事陸朝陽應與爲從自首之黃王穆黃本奇一例改依爲從減  
一等律杖一百流三千里章王朶李扶忠李扶藕亦均應改照犯無  
引私搵律杖一百徒三年韋扶茶亦應改依知人欲告自首減二等  
律杖八十徒二年再不知拒捕情事之私販李扶宛譚星運應仍照  
原擬依犯無引私搵律杖一百徒三年但譚星運自行投首應照知  
人欲告而自首者減罪二等律杖八十徒二年搶犯爲從之方父伯



農父益農父元黃父果陸王弗均照原擬合依中途打奪罪人爲從者若係異姓同惡共濟發邊衛充軍例均應發邊衛充軍以上軍犯方父伯農父益農父元黃父果陸王弗五名流犯黃王穆黃本奇陸朝陽三名徒犯韋王朶李扶忠李扶藕韋扶茶李扶死譚星運六名俱事在

恩赦以前應請援免等語均應如該署撫所議免罪該署撫既稱傷死單二李貴之曾能良黃能回嚴緝獲日另結各犯所販私鹽俱供丟棄河內無憑起追兵後尤登奇唐芳等審無賄縱應予免議鹽犯李扶德李扶友李扶祖李王獨韋王累黃王由譚王厚及搶犯之張扶任施王生韋父翁韋父合潘扶農李扶封黃父喜黃父名韋父禹韋王平韋王馬韋扶棉陸扶佳陳王咄黃父科陸公意等均應免緝等語亦應如該署撫所議完結再該署撫疏稱已故李父思係應擬免之

犯審明解回中途病故訊明解後並無凌虐情弊管獄承審

毋

庸開報再本案疎防職名先經會疏題叅部覆在案曾綏賢等所販私鹽係在欽州離白石場平山厥十五六里之荒路接買貧難老幼婦女所挑零鹽並非買自場灶查該州濱臨海陬向有場灶附近之貧難老幼婦女肩挑零鹽三二十斤不等於境內銷售原不在禁捕之例又各犯買鹽之荒路及拒捕傷死埠丁之交址坪均無附近營汛失察職名應請免開等語應均免其查叅再該署撫疏稱各犯經過沿途均係欽州地方失察縱私文職管係原署欽州吏目事該州沿海巡檢司巡檢劉純弟原署欽州事今署新會縣事王植兼轄係原護理廉州府海防同知事合浦縣知縣鹿謙吉統轄係分巡高雷廉兵備道毛世榮查此案先經兩廣總督鄂以欽州屬那蒙埠丁李貴等被梟徒拒捕傷死一案將疎防文職題叅并聲明失察私



摺來歷經過沿途及搶脫梟犯之該地方各官俟審明之日隨招附  
叅等因吏部將疎防文職專管巡檢劉純弟署知州王植兼轄署海  
防同知知縣鹿謙吉統轄高雷廉道毛世榮均照例議處其失察私  
鹽來歷經過沿途及搶脫梟犯之該地方各官俟該撫審明隨招附  
叅到日再議奉

旨依議欽遵在案今該署撫既稱各犯經過沿途均係欽州地方等語應  
毋庸再議武職端汎係原任欽州營左哨頭司革職把總李伯植協  
防革退外委把總許世畧兼轄係原任欽州遊擊已調揚州營遊擊  
降級留任丁銓生統轄係前任廣東高雷廉羅鎮今調福建漳州鎮  
譚行義再照譚行義先于雍正十三年五月內總統粵東官兵前赴  
黔省征剿逆苗該鎮事務係雷州協副將姚源忠代理又失察搶犯  
也

父直見搶差 役葉茂等前在勘明是在宣化縣孤峯嶺邊搶起仍

宣化縣而去 軍經移咨廣西飭查失察應叅各職名移覆附叅應  
移覆到日另報等語查此案亦先據兩廣總督鄂 以梟徒拒捕將  
疎防武職題 叅并稱失察私鹽來歷經過沿途及搶脫梟犯該地方  
各官俟審明 附叅等因兵部將疎防武職專汎把總李伯植外委把  
總許世畧兼 轄遊擊丁銓生統轄總兵譚行義署統轄總兵姚源忠  
均照例議處 其失察私鹽來歷經過沿途及搶脫梟犯之該地方各  
官俟審明之 日隨招附叅到日再議奉

旨依議欽遵在案今該署撫既稱各犯經過沿途均係欽州地方等語亦  
應無庸再議 至失察搶犯職名該署撫既稱實在宣化縣孤峯嶺邊  
搶起仍向宣 化縣而去移咨廣西飭查失察各職名移覆到日附叅  
另報應俟該 署撫查明另叅到日再議再該署撫疏稱本案從前承



審錯擬職名係欽州現任知州陳燾廉州府現任知府張瑤美前署  
按察使司事原任廣南韶連道陞任廣西按察使病故馮元方原任  
兩廣鹽運使別案叅革陳鴻熙署理廣東巡撫山西布政使臣王  
但查定例具題事件部駁改正將從前承審舛錯之處免其議處今  
知州陳燾知府張瑤美與臣自行改正前署按察使馮元方原任鹽  
運使陳鴻熙離署離任在先無從改擬今已改正應請一并邀免等  
語應均毋庸議奉

旨會綏賢李父直俱依擬應斬着監候秋後處決餘依議

販私拒捕傷死巡丁

乾隆二年三月刑部會議覆蘭山縣張漢等販私拒捕打傷巡役郭  
太一案據東撫岳 疏稱緣張漢係郟城縣民于雍正十三年七月  
內同弟張臻并侯正魁赴江南贛榆縣貨賣磁碗因見彼地鹽賤隨  
各赴唐山口買不知姓名人鹽三斗販至中途先後遇王德任漢單  
有志張天珏李廷玉吳天福等俱由贛榆縣買鹽担負而來彼此湊  
台結伴同行七月二十九日張漢等行至蘭山縣蕭庄村西被巡役  
管廷貴聞廷有郭太等撞過向前捉拿張漢恐難走脫即起意拒捕  
張臻張天珏吳天福俱各名從隨持挑鹽扁担將巡役郭太打傷倒  
地聞廷有見郭太被傷情急點放鳥鎗打傷張天珏肩旁張臻左腿  
聞廷有奔喊汛兵村民協同追獲張漢張臻張天珏任漢王德單有  
志吳天福李廷玉等八名並私鹽九石惟侯正魁脫逃嚴審諛犯等



供認不諱再三究詰堅供伊等九人實係先後路過並未同夥亦無窩圍情事查例載搶徒聚衆若止十人以下原無兵仗遇有追捕拒敵因而傷至二人以上爲首者依律處斬下手之人比照聚衆中途打奪罪人因而傷人者絞等語將張漢等擬以斬絞杖徒援

赦免罪等因具題除下手毆傷巡役之吳天福取供後病故不議外查律載盜徒拒捕者斬監候爲從者減一等杖一百流三千里又定例盜徒聚衆若止十人以下原無兵仗遇有追捕拒敵因而傷至二人以上爲首者依律處斬下手之人比照中途打奪罪人因而傷人律絞等語並未議及止傷一人爲首與下手之人作何治罪之條今該撫將張漢照傷至二人以上爲首者擬斬監候下手之人張臻張天珏照中途打奪罪人因而傷人者擬絞監候具題查張漢拒捕實止傷及一人若處照傷至二人例擬斬監候殊未允協但止傷一人爲首之犯例無明文臣等酌覈情罪應請將爲首毆傷巡役一人之張漢改照罪人拒捕毆所捕人至折傷以上者絞律擬絞監候秋後處決下手之張臻張天珏應照爲從律減一等僉妻流三千里至配所杖一百折責四十板俟

命下之日通行直隸各省督撫嗣後凡有此等案件悉照此辦理並未拒捕之任漢單有志王德李廷玉應如該撫所題合依不帶軍器不曾拒捕不分十人上下仍照私盜律杖徒例杖一百徒三年至配所折責四十板但張漢張臻張天珏任漢單有志王德李廷玉等事犯在雍正十三年九月初三日

恩赦以前均應免罪已獲盜斤變價充餉奉旨依議



以買官鹽越境易米拒捕傷人致死照律擬斬監候

乾隆八年二月刑部會議覆饒平縣民唐阿儀等挑鹽拒捕毆傷豐  
順縣巡丁陳勝身死一案據廣撫王 疏稱唐阿儀與族人唐阿足  
唐阿轎唐阿寸同村而居因乾隆六年饒邑早稻歉收米價昂貴唐  
阿儀等聞知嘉應州米價少減鹽價畧貴遂于乾隆六年八月二十  
四日各帶錢文籬筐同在本籍饒平縣石溪商埠各買官鹽四斗另  
買鹹魚三十觔挑往嘉應易米以資日食是晚挑至九子嶺歇宿空  
廟二十五日晚同至高坡河邊順搭不識姓名炭船渡河歇宿二十  
六日早至新渡登岸行至豐順縣界內適該縣杉坑廠巡丁陳勝林  
奇二人巡查知覺林奇恐衆寡不敵奔報練總協捕陳勝先行跟踪  
私販下落維時唐阿足唐阿轎唐阿寸等在前先行聞有巡丁喊拏  
私鹽旋即回伯公凹山逕小路而走惟唐阿儀因往河邊吃水落後



聲言向商埠價買官鹽易米並非販私陳勝不由分辯趕扭詹阿儀  
背後衣領手持鉄尺向打詹阿儀情急抽取扁挑拒敵抵傷陳勝左  
臂膊陳勝放開衣領復以鉄尺趕打詹阿儀詹阿儀仍舉扁挑抵格  
致傷陳勝頂心倒地詹阿儀隨挑鹽而遁迨休奇同練總楊荆正統  
領丁壯趕至各犯已無踪跡隨將陳勝扶腋回廠行至伯公宮下坪  
陳勝傷重畢命次日屍母鄭氏遣子陳君賢抱呈并據練總楊荆正  
具詞報縣驗訊通詳飭緝嗣據練總楊荆正查知鹽犯曾在王阿典  
家借鍋煮飯稟縣拘訊王阿典供出詹阿儀等姓名住址陸續移准  
饒平縣獲解詹阿儀等到案研訊各犯供認不諱詹阿儀合照鹽徒  
十人以下拒捕殺人不論有無軍器為首者斬監候例應擬斬監候  
詹阿足詹阿轎詹阿才聞風先已奔避不知拒捕情由亦無攜帶軍  
器均應照不帶軍器不曾拒捕不分十人上下私鹽例杖一百徒三

年王阿典擬杖再查律載買食私鹽者杖一百因而貨賣者杖一百  
徒三年係買私販賣之罪又有引官鹽不干拘定行鹽地方發賣轉  
於別境犯界貨賣者杖一百知而買食者杖六十係指客商將官鹽  
越境販賣及知而買食之罪故未註有亦同私鹽法之語至小民價  
買官鹽越境易米度日律無正條惟乾隆元年三月內戶部議覆兩  
江督臣趙 具題行鹽口岸接壤商店賣鹽案內有越境買食零鹽  
過四十斤以上者即行拏解治罪等語其照何例治罪未經議及且  
指越境買食官鹽亦非價買官鹽越境轉售之例臣檢查廣東省于  
雍正八年三月內前署廣撫傅 審題潮陽縣民林阿鄭等聞揭邑  
鹽價高昂各犯在本籍潮陽縣井尾廠買鹽數斗順帶往售貪圖微  
利中途拒捕戮傷揭陽縣埠丁謝輔落水身死一案將林阿鄭依販  
私拒捕殺人例擬斬監候在案今詹阿儀等價買官鹽越境易米途



次拒捕情形與林阿鄭等之案相似是以據司道所擬亦照販私拒捕科斷惟是詹阿儀等原因米價昂貴向本籍準商價買官鹽越境易米度日經臣逐細研訊詹阿儀堅稱愚民止知販私有罪價買官鹽越境易米並不知有坐罪之條巡丁不由分說扭住執械毆打一時情急抵格致死家有七十三歲老母乏人奉養等語似屬無知悞犯與與販私鹽有間但既抵傷巡丁致死法難寬縱律例內既無正條應否將詹阿儀照罪人拒捕殺人律擬斬監候其挑鹽在前不知拒捕傷人之詹阿足詹阿轎詹阿寸俱照官鹽越境貨賣律杖一百相應聲明統聽部議等因具題查乾隆七年十二月內據浙江巡撫常題傅順良等以買肩販官鹽越境販賣拒捕毆傷巡丁趙天相身死一案臣部等衙門議以收買官鹽越境販賣之犯雖應照罪人拒捕科斷而事關鹽法即非私梟亦當重于尋常罪人拒捕方可止奸請嗣後收買肩販官鹽越境貨賣如有拒捕等情即照私梟拒捕未曾殺傷人律為首者擬斬監候為從下手之人一槩擬發邊衛充軍等因具題奉

旨依議欽此通行各省一體欽遵在案今詹阿儀價買官鹽雖非私梟可比但越境易米拒捕格傷巡丁陳勝身死應遵照題定之例將詹阿儀照私鹽拒捕斬律問擬但該撫疏稱詹阿儀原因米價昂貴價買官鹽越境易米度日研訊詹阿儀堅稱愚民止知販私有罪價買官鹽越境易米並不知有坐罪之條巡丁不由分說執械毆打情急抵格致死家有七十三歲老母乏人奉養該犯似屬無知悞犯等語詹阿儀應否留養是否與例相符之處該撫疏內未據聲明臣部碍難辦理應令該撫再行確查照例妥議具題到日再議其將價買官鹽越境易米之詹阿足詹阿轎詹阿寸該撫既稱挑鹽在前不知拒捕



傷人情事正與將有引官塩不予拘定行塩地面發賣轉于別境貨  
賣者杖一百之律相符均應照律各杖一百折責四十板再該撫疏  
稱王阿典雖無容留歇宿窩贖私塩但知詹阿儀等挑塩拒捕情事  
借錮煮飯不行首報合依知人謀害他人事後不首告律杖一百先  
行折責發落練總楊荆正巡丁林奇塩徒經過地方旋即知覺追捕  
均毋庸議石溪埠商顏文友所賣之塩已據供明因見詹阿儀等係  
係本處人氏不知販往他境私賣情事并詹阿儀等將塩易米不識  
姓名人及容留詹阿儀等渡河歇宿之不識姓名船戶均應免究拒  
捕行兇木扁挑一條驗明銷燬均應如該撫所議完結再該撫疏稱  
查拏獲與販私塩例載失察各官本汛拏獲一半免其處分其本汛  
雖未拏獲被別汛全獲者亦免處分等語今本案塩船買自饒平商  
單經歷豐順至嘉應並非買自場灶亦未經過營汛經豐順拘獲王  
阿典訊據供出塩犯詹阿儀等聞移饒平縣獲解其饒平豐順嘉應

旨依議

三州縣疎防失察尚兼各職名俱應照例免開等語查定例塩徒拒  
捕殺傷兵丁全獲者免議等語應將疎防失察之饒平豐順嘉應三  
州縣職名均照例免其查議奉



販私拒捕傷死鄉勇

乾隆四年三月刑部會議覆東莞縣民劉朝柱等販私拒捕傷死花縣鄉勇易世閏并傷巡丁李仲賓一案據署廣撫王 疏稱緣劉朝柱聞知三水縣屬鹽價稍昂商約葉亞成葉挺臣并伊子劉亞俊于乾隆二年九月十三日同往東莞縣屬附近靖康場之寮埠墟向不識姓名老幼男婦零星買鹽各七八十斤不等于十四日在家起行挑往三水發賣十七日至增城縣屬三江墟外撞過袁細六袁閏女葉蛋家女盧恒遇鍾亞豹等五人亦于附近靖康場之茶園地方買有鹽斤挑往清遠縣屬發賣湊合同行二十三日行至花縣絡塘坵村外被巡兵李仲賓等看見報同鄉勇易世閏等前往截擒袁細六等七人挑鹽先走劉朝柱葉亞成在後追易世閏等追至大坑邊易世閏即將馬叉向打劉朝柱劉朝柱用鉄嘴扁挑抵格打傷易世閏



偏左易世閏復行向打劉朝柱又用扁扒鉄嘴戳傷易世閏左乳至  
易世閏倒地李仲賓亦被葉亞成拾石擲傷右額角劉朝柱拾取馬  
又同葉亞成挑鹽奔走易世閏傷重移時殞命是夜四更各犯行至  
牛心嶺兵役尾踪追至袁細六等各即棄鹽逃走劉朝柱葉亞成奔  
走不及當被拿獲連鹽解縣并據屍弟易世興稟報驗明易世閏屍  
傷訊據供出夥黨袁細六等拘拏到案劉朝柱等各犯將因貧起意  
販私及拒捕各實情直認不諱將劉朝柱等擬以斬絞杖徒等因具  
題應如該署撫所題劉朝柱合依與販私益十人以下拒捕殺人不  
論有無軍器爲首者斬例擬斬監候秋後處決葉亞成合依十人以  
下原無兵仗遇有追捕拒敵傷至二人以上者下手之人照聚衆中  
途打奪罪人因而傷人律絞例擬絞監候秋後處決仍照例刺字袁  
細六袁閏女葉亞家女盧恒遇鍾亞約葉挺臣劉亞俊等並未拒捕

亦無攜帶軍器均合依不帶軍器不曾拒捕不分十人上下仍照劫  
鹽律杖徒例各徒三年至配所杖一百折責四十板俟徒限滿日遞  
回原籍交與地方官嚴加管束不許出境所獲鹽斤食米裝鹽籬筐  
照例變價分別入官賞給該署撫既稱各犯所買鹽斤係在東莞縣  
屬靖康場之附近寮埠墟及茶園地方與不識姓名貧難老幼廢疾  
男婦零星買受欲往三水清遠各縣售賣經由增城從化花縣悉向  
山僻小路行走遇夜歇宿空廟樹林並無捕巡營汛亦無窩家等語  
應毋庸議再該署撫疏稱狡犯葉亞成之繼母陳氏現年七十二歲  
繼父已故止有葉亞成一子家無次丁取具印甘各結送部可否將  
葉亞成存留養親相應開明應侍緣由恭候

聖裁等語查律內凡犯死罪非常赦所不原而祖父母父母老疾應侍家  
無以次成丁者開具所犯罪名及應侍緣由奏聞取自



上裁等語葉亞成之繼母陳氏年已七十二歲繼父已故止有葉亞成一子家無次丁可否准其留養之處相應開具所犯罪名及應侍緣由奏聞恭候

聖裁倘蒙

聖恩准其存留養親應令該署撫將該犯照例枷號兩個月滿日杖一百折責四十板再該署撫疏稱本案私販九名俱已全獲原叅疎防各官職名應請免議又查塩自東莞縣地方買挑經過增城從化二縣方至花縣卒獲所有沿途失察私塩各官職名例應開報但查卒獲與販私塩例載失察各官本汛卒獲一半免其處分其本汛雖未卒獲被別汛全獲者亦免其處分等語今本案私販九名花縣卒獲二名訊據供出夥黨經東莞縣盡行獲解其東莞增城從化三縣失察專兼各職名應免查開等語均毋庸議再該署撫疏稱查東莞縣屬

有靖康場原許近場老幼廢疾之人肩挑背負塩四十斤以下在場

零星度活之例靖康場大使職名毋庸查開等語應毋庸議奉

旨劉朝柱依擬應斬着監候秋後處決葉亞成從寬免死照例發落准留養親餘依議



收買官鹽越境貨賣照罪人拒捕律量行加重

乾隆七年十二月刑部會議覆諸暨縣鹽犯湯禹武等販私拒捕毆傷巡役趙天相身死一案先據閩浙總督德 疏稱緣湯禹武在尖山地方遇見傅順良傳八十五傳順良說起諸暨鹽貴若於賤處販至貨賣有利湯禹武向肩販楊漢如高元卿高如松等陸續買鹽六担內代傳八十五帶買一担傅順良另買鹽七担于乾隆五年六月初四日同運至四化埠地方適有田大士同章祥芝在杭州開口地方引販金元宰買鹽十担僱王士相之船載運渡江搬入章祥芝船內是日行至四化埠湯禹武傳順良將鹽附搭同行于初五日晚至諸邑青塔地方該地居民何世美何世榮周子照等之妻各就近買鹽傳八十五亦來接收帶買之鹽被巡役趙天相樓殿升巡見查拏傅順良起意拒捕先用扁挑毆傷趙天相頂心湯禹武亦用柶柱



打傷趙天相偏左傳八十五用木棒打傷趙天相右腿田太士用舵牙打傷趙天相左腿樓殿升扭住湯禹武被湯禹武推落水中各犯將鹽拋河逃散趙天相傷重旋卽在于地保何世魁竹園內殞命次日何世魁見屍懼累將屍推入水內初八日樓殿升撈獲趙天相身屍傳順良畏罪卽于是夜自縊身死先後弋獲各犯屢審不諱除爲首之傅順良自縊並湯禹武推樓殿升落水輕罪不議外湯禹武毆傷趙天相致命偏左照販私拒捕殺人下手例擬絞監候傳八十五田大士所毆趙天相左右腿傷非致命均應照乾隆二年定例拒捕毆傷巡役一人下手之人杖一百流三千里保長何世魁等均擬杖責等因具題經臣部等衙門以例載與販十人以下拒捕殺人不諭有無軍器爲首者斬下手者絞俱監候不曾下手者發邊衛充軍又乾隆二年定例與販私鹽拒捕傷一人爲首照罪人拒捕毆斃捕人

至折傷以上律擬絞監候下手之犯減一等杖一百流三千里各等語是販私拒捕殺人與販私拒捕傷人之案各有擬罪之條不容牽混今湯禹武毆傷巡役趙天相偏左傳八十五田大士毆傷趙天相左右腿均係拒捕殺人案內下手之犯該撫既將湯禹武依拒捕殺人下手例擬絞而又將同下手之傳八十五田大士照拒捕傷人下手例擬流殊屬不合雖據該署撫疏稱傳八十五田大士所毆趙天相左右腿傷非致命等語但查拒捕殺人例內止分下手不下手並無致命不致命之文况不下手者尚應擬軍已經下手者何得又引拒捕傷人之條從輕擬流再查傳八十五審供內稱係買鹽醃菜並非私販等語如所供屬實則該犯原係買食私鹽之人自應依罪人拒捕輕條科斷而引與販拒捕與田大士一例議擬亦屬含混此案援引不符輕重倒置事關罪名生死出入不便率結應令該撫再行



詳核按照律例分別妥擬具題到日再議等因題駁行文去後今據該撫常 疏稱覆加確核田大士與湯禹武等素不認識並非合夥與販因在四化埠相遇附塔同行至諸暨縣青塔地方偶被巡役趙天相查拏田大士情極與傳八十五帮同拒捕田大士毆傷趙天相左腿雖非致命既同下手應將田大士改照販私拒捕殺人下手者絞例擬絞監候傳八十五係買鹽醃菜應改照買食私鹽律加拒捕罪二等擬徒餘悉原招毋庸復贅等因具題查律例條款萬事之情偽同一私鹽律目而情節各異則罪亦各殊不得一槩而論例稱凡豪強盜徒聚眾至十人以上撐駕大船張掛旗號擅用兵仗響器拒敵官兵若殺人及傷三人以上者比照強盜已行得財律皆斬為首者仍梟示其雖拒敵不曾殺傷人為首者依律處斬為從者俱發邊衛充軍若止十人以下原無兵仗遇有追捕拒敵因而傷至二人

以上為首處斬下手之人比照聚眾中途打奪罪人因而傷人律絞又律內罪人拒捕殺所捕人者斬監候為從者減一等等語此言私梟聚眾公然自置鹽觔顯悖功令為國課之梗者也若止向官店買鹽越境與販如行浙鹽之處與販淮鹽之處與販浙鹽者律稱凡將有引官鹽不於該行地方發賣轉于別境犯界貨賣者杖一百等語蓋既屬有引官鹽則於國課無虧但不依界貨賣逐利營私情同違

制是以杖一百也其後因趨利之徒收積貧難鹽越境貨賣及收買有引官鹽盈千累萬賤賣貴阻撓鹽法杖一百不足止奸是以例又稱凡越境販賣至三千觔以上者問發附近充軍等語但此越境販賣之犯如有拒捕等情律例並無即照鹽梟拒捕問擬之條則是仍照罪人拒捕殺傷所捕人律科斷其理甚明前因該督德 將傳願良



拒捕殺人一案既照盜梟十人以下之例將拒捕為從應行擬流之湯禹武擬絞而又將一同下手之人擬流自相矛盾是以駁令妥擬今該撫常 又未將盜梟與販私盜與越境與販官盜及貧難盜飭律例迥殊之處查明輒將湯禹武田大士均照盜梟與販私盜十人以下拒捕殺人不論有無軍器下手者絞例均擬絞候似遵部駁改正其寔臣部前次駁查因其一例兩岐自相矛盾而非謂此案必應照盜梟拒捕例也是以該撫明知所擬過重疏內又稱販私拒捕雖有殺傷之分而中途遇合與合夥與販亦應權衡區別田大士寃係中途相遇尚非夥同販私因被獲圖脫一時情急幫同拒毆僅止左腿一傷又非致命情實可原聽候部議等語殊不知田大士中途相遇固非合夥湯禹武收買肩販之盜又豈得謂之盜梟猝然遇捕拒毆自應依罪人拒捕律分別首從科斷今為首應擬斬候之傅順良

已經自縊其為從之湯禹武田大士例應擬流但查律例雖應照罪人拒捕科斷而事關盜法即非私梟亦當重于尋常罪人拒捕方可止奸請嗣後收買肩販官盜越境貨賣寔是非私梟者如無拒捕情形仍照原例治罪如有拒捕傷人致死等情即照私梟拒捕未曾殺傷人律為首者擬斬監候為從下手之人一槩擬發邊衛充軍如蒙俞允此案律應擬流之湯禹武田大士及該撫疏請擬徒之傅八十五即照此例發邊衛充軍至配所杖一百折責四十板奉

旨依議



私販拒捕射死巡役亦准援 赦減等

康熙四十三年十二月刑部會看得李四等與販私鹽拒捕射死巡役張寧一案先據直撫李 審擬斬戍徒杖具題臣部等衙門因案內王九耿五張二初供同夥共十四人今將沈七等五犯開說謂非此案同夥竟照十人以下具題恐有情弊行令該撫再行研訊確供到日再議具題去後今據該撫疏稱李四糾同王九吳二張二沈二張二耿五阿什太又僱赴鹽馱之張四同夥共九人於康熙四十一年七月十六日各持器械往通州所屬和合地方買鹽八駝用馱馱載是夜行至北吳村遇見巡役張寧等追擒李四拒捕遂放箭射中張寧氣額當即身死李四等將鹽械棄擲河內奔走迨王九投首陸續將李四等拿獲歷審情真其沈七傅大徐正心張三張華五犯因平日曾糾王九等與販私鹽四十年七月內拒捕並非伊等所行王



九投首時將前次與販私鹽之沈七等盡行出首而耿五張二畏刑亦照王九所首妄供是實將李四等仍照原擬分別援

赦具題前來查定例與販私鹽十人以下帶有軍器拒捕殺人應比照十人以下原無兵仗遇有追捕拒敵因而傷至二人以上律擬罪等語除阿什太耿五已經病故不議外李四係為首之人將張寧射死合依豪強鹽徒聚眾十人以下原無兵仗遇有追捕拒敵因而傷至二人以上為首者斬律擬斬監候秋後處決吳二張二沈二民人張二合依為從者俱發邊衛充軍律僉妻發邊衛充軍至配所杖一百折責四十板王九合依知人欲告而自首者減罪二等律杖九十徒二年半至配所折責三十五板張四合依受僱馱載者杖八十徒二年律杖八十徒二年至配所折責三十板徐正心沈七傳犬張三張五合依負責賣私鹽者杖一百徒二年律杖一百徒三年原旂人

四十日鞭一百查定例凡私鹽事犯旂人本犯之三鞭七十等語當鞫李四之庄頭內除劉北京病故不議外張進五沈文彪張天祥徐仲惠張明養俱應照此例各鞭七十張明養年逾七十照律收贖但李四等俱事犯在康熙四十二年三月十八日

恩赦以前李四應減等杖一百流三千里係旂人枷號兩個月鞭一百仍追埋葬銀四十兩給付死者之家王九等俱免罪倒斃馱頭變價入官監斃耿五之管獄官係巡道司獄張璧照例罰俸三個月奉旨知道了



買鹽拒捕傷死巡役

雍正五年六月刑部會議覆蘇撫陳 疏稱虹縣民祁國棟與石禿子李美張委伏安李樹伏應春龔五八人前赴河工挑土力作工完之後結伴而歸行至海州埠山地方見有殘廢老幼男婦負鹽出賣石禿子貪其價賤令眾買回易米祈國棟等各負鹽四十餘斤雍正二年二月十七日夜由宿遷之白馬澗經過適遇巡役韓天書嚴士文張丙見而喝阻祁國棟石禿子李美張委伏安五人前行虛張聲勢韓天書嚴士文恐寡不敵眾遂各潛避惟張丙落後祁國棟輒用挑鹽扁担擊傷張丙太陽張丙倒地石禿子等并後到之龔五等見毆傷巡役俱棄鹽潛遁張丙傷重次日殞命聞解石禿子龔五李美伏安伏應春祁國棟張委李樹到案歷審各認不諱除伏應春伏安李美在監病故李樹解審中途病故均不議外拒捕殺人之祁國棟



合依聚衆十人以下原無兵仗遇有追捕拒敵因而傷人者斬律擬  
斬監候其不曾下手之石禿子張委合依爲從發邊衛充軍律僉妻  
發邊衛充軍至配所責四十板並未在場見毆不知拒捕情事之龔  
五合依犯無引私鹽律徒三年至配所責四十板現獲之鹽變價入  
官該撫旣稱各犯之鹽審係在途零買非自場灶失察職名應免開  
報等語應無庸議奉

旨依議

販鹽拒捕傷死巡役

雍正八年八月刑部會議覆蘇撫尹 疏稱海州民劉必元與孔光  
如周尊張文秀均係耕種窮民各向不識姓名負鹽之人換買私鹽  
五六十斤不等欲至濫泥洪貨賣雍正七年三月二十五日各犯挑  
鹽行至空湖地方適遇巡役顏紹春張振盧偉李德基巡緝顏紹春  
持鎗前捕劉必元倡首拒捕先以挑鹽扁担毆顏紹春左後肋劉必元復持扁担  
髮際倒地周尊亦以挑鹽扁担毆顏紹春左後肋劉必元復持扁担  
連毆顏紹春額角臂膊肘右肋等處張振鎗戳孔光如左臂孔光  
如亦持扁挑毆傷張振臂膊及李德基脊背又拾石擲傷盧偉額角  
巡役力不能敵赴庄喊援各犯將鹽棄河而遁張振等傷輕平復顏  
紹春傷重次日殞命審擬具題劉必元合依與販私鹽十人以下拒  
捕殺人爲首者斬律擬斬監候周尊孔光如俱合依下手者絞律擬



絞監候照例刺字張文秀合依不曾下手發邊衛充軍律僉妻發邊  
邊衛充軍至配所責四十板私鹽既已拋河應免追又稱各犯之鹽  
並非買白場灶且于境內峯獲失察職名應免開報等語應免查奏  
奉

旨依議

私梟拒捕傷死練總

乾隆四年二月刑部會議覆長樂縣民張維禮等賣私拒捕傷死練  
總周敦義一案據署廣撫王 疏稱緣張維禮與張國鳳張金魁及  
拒捕被傷身死之張國鸞同住大都約鄉附近海洲鹽田各挑煙糖  
等物往賣陸續向不識姓名晒丁換有食鹽五六十斤不等乾隆二  
年十月二十七日晚張國鸞以本鄉鹽賤約同張維禮等于次早將  
鹽挑往縣屬石龍徑各村希圖多賣錢文途遇隣鄉同行之謝沐漢  
謝沐居及不同行之丁亞四亦于海洲鹽田各以茶葉鹹魚換有鹽  
斤挑往石龍徑零賣比丁亞四先至油田尾地方適遇練總周敦義  
練勇張日連張克燦王亞三徐亞滿等獲交張克燦帶回練館看守  
迨張國鸞等挑鹽繼至周敦義執持馬叉上前攔捉張國鳳張金魁  
謝沐漢謝沐居各皆驚惶棄鹽奔遁張國鸞喚同張維禮向前拒敵



張國鸞用鐵嘴扁挑戮傷周敦義右胎膊周敦義隨用馬叉回戮張國鸞右肋張維禮亦用鐵嘴扁挑戮傷周敦義右乳周敦義傷重倒地殞命張日連等見而奔救張維禮畏懼逃走張國鸞復向抵敵被張日連等各用馬叉挑刀砍戮致傷張國鸞額角胎膊左膝倒地張日連等復往追捕張維禮張國鳳因伊兄張國鸞遲久不至潛回探信見張國鸞被傷在地背負行至會坑地方身死迨張日連等追獲張維禮并拿獲張國鳳與先獲之丁亞四連塩稟解到縣訊供夥黨差獲張金魁等到縣屢審不諱將張維禮等擬以絞徒等因具題除爲首拒捕殺人之張國鸞已經受傷身死應毋庸議練勇張日連等持械格鬪戮死張國鸞照律勿論外應如該署撫所題爲從下手拒捕之張維禮合依十人以下拒捕殺人不論有無軍器下手者絞例擬絞監候秋後處決照例刺字未拒捕傷人之張國鳳張金魁謝沐

漢謝沐居丁亞四均合依犯私塩者杖徒律徒三年至配所各折責四十板俟徒限滿日遞回原籍交與地方官嚴行管束不許出境該署撫旣稱所獲私塩發塩變價照例分別賞解不知姓名晒丁概免提訊以省拖累等語均應如該署撫所擬完結再該署撫疏稱本案塩斤審係零星易換晒丁食塩並非透漏賣私場員與疎防失察各官職名應免查叅等語應毋庸議奉  
旨張維禮依擬應絞着監候秋後處決餘依議



殺人正犯脫逃餘梟先行擬結

乾隆四年十二月刑部會議覆茂名縣練總石居琛被私梟楊陳石等拒捕傷死一案據署廣撫王疏稱緣楊陳石梁澤旭先德章合夥各出錢六百文交與先德章在電白縣海邊零星共買鹽四百斤貯於先德章之家欲將鹽挑往茂名縣水塘村梁澤旭家發賣乾隆三年九月十二日將鹽裝成八担楊陳石同子楊亞玉梁澤旭同弟梁亞二先德章同弟先德惠并雇歐亞二吳道臣共八人各挑一担是晚起行由山僻小路連夜行走十三日早至分界山吳道臣脚痛不能挑行楊陳石即給工錢三十文令其回家是日早梁澤旭將吳道臣所挑之鹽三十斤同楊陳石携出山外賣與不識姓名之人得錢二百七十文復又挑鹽前行楊陳石因脚痛難行十三日下午就在分界橫手嶺雇陳文紹挑至瓦窰角地方楊陳石即給陳文紹工



錢而回楊陳石仍自挑行十四日晚黃昏時候行至謝鷄坑練總石居琛攔截喊捉歐亞二等因其手中拿棍口中叫喊疑有多人擒捕卽各奔入山躲避楊陳石梁澤旭二人因走在前遂各執鉄皮鑲頭扁挑拒捕打傷石居琛偏左左乳傷重倒地隣人袁興貴聞聲出護被趕跌傷左手背各梟棄塩逃遁石居琛之妻同姪奔看石居琛傷重攞回隨卽殞命陸續緝獲楊亞玉梁亞二歐亞二吳道臣陳文紹到案屢審不諱查律載凡二人共犯罪而有一人在逃現獲者稱逃者爲首更無証佐則決其從罪等語今楊亞玉係楊陳石之子梁亞二係梁澤旭之弟而供証鑿鑿不能隱諱則楊陳石梁澤旭其爲拒捕傷死石居琛之正犯無疑正犯未經拿獲則現在之梁亞二等五犯決以從罪與律相符除楊亞玉誤供歐亞二拒捕旋卽據實供明免其疑擬外將楊亞玉等分別擬徒等因具題應如該署撫所題楊

亞玉梁亞二合依凡犯私塩不帶軍器不曾拒捕不分十人上下仍照依私塩律杖徒例各杖一百徒三年至配所折責四十板歐亞二吳道臣陳文紹應照受雇挑担者杖徒律各杖八十徒二年至配所折責三十板各犯徒限滿日逾回原籍交地方官約束不許出境該署撫旣稱鄰人袁興貴被趕跌傷手背久經平復先行摘釋楊陳石梁澤旭所賣塩價應着落楊亞玉梁亞二名下照追吳道臣陳文紹各得工錢照追入官各犯塩籬扁挑據供丟棄無憑起追石居琛屍棺業於塩羨銀內賞給屍親領埋等語均應如該署撫所議完結其各犯所挑塩斤雖供係先德章在海邊零星所買但先德章等尚未弋獲應令該署撫將逸犯先德章先德惠楊陳石梁澤旭嚴緝務獲研審定議具題再該署撫疏稱本案私梟及受雇挑担共九名已獲梟犯二名受雇挑担三名未獲四名至私塩係自電白縣先德章家



挑往茂名地方發賣所有沿途失察職名俟查開到日另奏等語應  
行令該署撫查明補叅到日再議奉  
旨依議

販私拒捕致死鹽丁


乾隆五年六月刑部會議覆同安縣民林團等載私拒捕戮傷陳  
致死併砍傷柯端一案據原署福撫王 疏稱緣林團等住居同安  
縣井頭鄉地方土產海蠟乾隆三年九月初七日林團起意載蠟換  
鹽邀同鄭丁林朗林元林權林鳳林旭林員同夥八人駕小船四隻  
林團鄭丁一船僱林戀王允駕駛林朗林元一船僱林興順林御駕  
駛林旭林員一船僱林哲林圭駕駛林權林鳳一船僱林敬林會駕  
駛各載海蠟前赴青與地方向黃吾張世及不識姓名老幼人等零  
換私鹽陸續挑運下舡隨經鹽捕柯端陳蒲等巡知駕船追擊林團  
等望見將鹽搬擲下海各即駕船逃避時林權林旭二船先走哨船  
喊追用石拋擲致林旭船上之林員被石擲傷眼胞亦即撲命駕遁  
惟林團林朗兩船落後撞在一處被哨船追及柯端扳住林朗之船



欲行擒拏林元隨拾船中柴斧砍傷柯端左眉叢跌倒船上陳蒲即  
跳過船扭住林朗比林團隔船看見用竹篙戳傷陳蒲右腋臍陳蒲  
放手林朗乘勢一推陳蒲跌倒船旁墜傷胸坎兩乳林朗復扯陳蒲  
之肺致陳蒲跌入海中當各駕舡奔遁旋經哨長林順等將陳蒲撈  
起詎陳蒲傷醫不愈越七日殞命續經先後拘獲林團等到案并據  
王允自行投到屢審不諱查林團等載蠟換私同夥實止八人而林  
戀等均係受雇駕舡並非同夥且惟林團林元林朗三人拒捕其與  
林團同船之鄭丁亦未下手應將林團擬斬監候炤例刺字林朗林  
元擬絞監候鄭丁等分別擬以軍徒等因具題應如該署撫所題林  
團合依聚眾與取私鹽十人以下拒捕殺人不諭有無軍器為首者  
斬例擬斬監候秋後處決仍炤例刺字林朗林元均合依下手者絞  
例擬絞監候秋後處決鄭丁合依不曾下手發遣衛克軍例僉妻發

邊衛克軍至配所杖一百折責四十板林權林魁林員林鳳及黃私  
之黃吾張世俱合依私鹽律各徒三年至配所杖一百折責四十板  
林戀王允林興順林哲林圭林敬林會俱合依受雇載律各徒二  
年至配所杖八十折責三十板但王允已經自行投到應炤知人欲  
告而自首律減罪二等徒一年至配所杖六十折責二十板在逃之  
林御嚴緝獲日另結該署撫既稱黃吾張世換蠟之鹽共抵錢九百  
八十文照數追出并小船四隻飭縣變價分別賞給哨丁陳蒲家屬  
及柯端收領以示鼓勵王允名下先得雇工錢五十文追出入官至  
林團等載蠟零星換私並非場鹽透漏且當時即發覺被拏與林團  
等所換私鹽俱已拋棄海中及柯端傷已平復均無庸議等語應均  
如該署撫所議完結奉

吉林團依擬應斬林朗林元依擬應絞俱著監候秋後處決餘依議





十人同夥販私殺人卽照十人以上律定擬

雍正六年八月刑部會議覆蘇撫陳 疏稱浙江平湖縣民孫四  
蘇屬鹽價稍貴遂雇水手張二沈才王元奇趙二錢二撐駕一船又  
雇高大何大章王漢盛二另駕一船孫四同坐于雍正四年七月初  
五日在浙江海鹽縣一往橋地方向海沙場灶戶富阿大買得私鹽  
三千斤分裝兩船時有孫四族伯孫草包同水手姜入王三亦駕一  
船向富阿大買鹽一千一百八十斤孫草包因年老人少跟隨孫四  
之船開行由嘉興漢塘至九里灣又遇混名閻遊孫四同水手沈二  
和尚王二太李德明曹浮頭等兩船及孫二弟同水手趙二一船各  
載鹽斤與孫四等一共六船于初六日夜搖至吳江縣汾湖地方遇  
蘇州巡役潘畏等追捕吳江縣巡役顧元等協挈孫四情急巡役沈  
茂將孫草包姜入連船鹽並獲王三赴水逃遁沈茂將人鹽船隻先



解赴元和縣比潘畏等與孫四兩船相持孫四喝令拒敵張二持鎗  
戮傷巡船水手周壽左耳右手腕左右肩甲左腳腕等處錢二亦持  
鎗戮傷巡船水手李福右臙肘等處沈才持梢棚柱打傷潘畏顛門  
又打傷水手李桂頂心偏右右臙肘脊背等四處致李桂受傷落水  
身死孫四與高大等俱逸維時閑遊孫四船上之水手王大曹浮頭  
聞聲吶喊助勢被閑遊孫四喝止與孫二弟將鹽拋河逃遁嗣于雍  
正四年十一月二十日據孫四自行投到并陸續拿獲沈二和尚高  
大富阿大王二太張二歷審不諱周壽等傷俱平復孫四雖聚至十  
人以上但無兵仗响器應照十人以下原無兵仗拒捕傷人律擬斬  
係聞鞫自首應照鹽梟朱五臭自首之案發黑龍江傷人之張二擬  
絞監候未傷人之王二太擬置灶戶富阿大并受雇駕船之姜入沈  
二和尚均擬徒罪孫草包雖與孫四同行並非孫四之夥且該犯先  
被拏獲又未同拒捕應照販私律擬徒年老收贖并將監繫失察各  
官吳江縣典史郭洪仁等附叅等因具題經臣等議覆以孫四爲首  
雇覓水手載買私鹽同行共有十人遇見巡役潘畏等追擒輒敢執  
械拒捕將巡船水手李桂毆傷身死又將潘畏并水手周壽李福毆  
傷兇橫已極正與鹽徒聚衆十人以上拒敵官兵殺傷人之律相符  
該撫將孫四照十人以下原無兵仗拒捕傷人律擬斬因孫四自首  
擬以發遣將張二等擬以絞戍徒罪與律未協至孫草包係孫四族  
伯與孫四同在浙省海鹽縣買富阿大私鹽一千餘斤載舟一路隨  
行顯係孫四同夥何稱孫草包並非孫四之夥止擬徒罪收贖應令  
該撫再行嚴審妥擬具題咨行去後今據該撫疏稱覆加嚴鞫據孫  
四等供吐販私拒捕傷人致死情事悉與前供相同查孫四爲首販  
私同行已有十人遇巡追擒輒敢喝衆拒敵其所執拖水鎗梢棚柱



雖非兵殺但拒捕毆斃致傷潘畏周壽李福并將李桂打傷落水身  
死實與鹽徒聚眾十人以上拒敵官兵殺傷人之律相符除夥犯高  
大并非同夥在船助勢之王二太俱于取供後在監病故不議外孫  
四張二合依鹽徒聚眾十人以上拒敵官兵若殺人及傷三人以上  
者皆斬為首仍梟示律皆斬立決孫四仍梟示孫草包係孫四族伯  
同在浙省買鹽一路跟隨孫四同行雖據供寔係各自買鹽並非合  
本與販但該犯既供倚仗孫四照着跟隨與同夥相同惟孫草包艇  
上既無軍器且同水手姜八遇捕即被擒獲解官並不知孫四等拒  
捕傷人情事若槩行擬斬與律未符孫草包姜八俱合照不曾殺傷  
人為從律發邊衛充軍孫草包年逾七十照律取贖沈二和尚審非  
同夥又未拒捕應與灶戶富阿大仍照原擬杖徒巡役潘畏仍歸浙  
省嘉興縣飭拏積梟案內發配等因具題孫四并傷人夥犯張二俱

合依鹽徒聚眾十人以上拒敵官兵若殺人及傷三人以上者皆斬  
為首者仍梟示律均斬立決孫四仍梟首示眾不知拒捕傷人之孫  
草包姜八俱照不曾殺傷人為從律僉妻發邊衛充軍至配所責回  
十板既非孫四同夥又未拒捕之水手沈二和尚合依受雇駝載律  
徒二年至配所責三十板灶戶富阿大合依灶丁私前貨賣者同私  
鹽法律徒三年至配所責四十板已獲鹽船變價入官巡役潘畏既  
于浙省飭拏積梟事案內擬徒應仍歸彼案發配在逃行兇殺人之  
夥梟沈才傷人之錢二并鹽犯閒遊孫四孫二弟水手王元奇趙二  
王漢何天章王三曹浮頭李德明盛二緝獲另結又該撫前疏內稱  
監斃高大之管獄官係吳江縣典史郭洪仁失察販私經過地方文  
職職名係署嘉興府通判事布政司照磨李進海鹽縣知縣王仕正  
典史王致和平湖縣知縣楊克慧典史施鈞嘉興縣知縣劉德寰典



史沈銓嘉善縣知縣張鏞典史周定粟查李進已于雍正四年十一月二十二日卸事張鏞已于雍正四年十月初一日改授敎職離任武職係海鹽汛中軍守備張文英王江涇汛右營千總周祥嘉興營右營千總孔希賢平湖汛右營把總李鳳儀兼轄副將顧印亮江南蘆墟汛提標後營把總萬全失察場灶職名係海沙場大使程國魁相應列叅查萬全據稱是日聞梟入汛遇巡拒敵隨即救援犯已拏獲並無梟犯透漏過汛應請邀免聽候部議至一往橋是否平鹽兩縣交界之所現在飭查俟查覆到日另行補叅又該撫今次疏稱從前飭查經過沿途文武職名先據前司將海鹽平湖兩縣職名並開後又稱孫四等販私在于一往橋南下鹽寔屬海鹽地界應將海鹽縣文武各職名請叅平湖縣各職名應免開叅之處是否確實在在咨查應俟咨覆到日另行補報至從前將孫四等罪名錯擬今臣及

該縣自行審明改正例邀免議其未經改擬之按察司徐琳已于另案革職再王二太係具題後在監病故管獄官職名亦應免開合併聲明聽候部議等語除李進已經休致劉德寰孔希賢萬全徐琳俱經別案革職均毋庸議楊克慧施鈞李鳳儀俟該撫查覆補報到日再議外郭洪仁照例罰俸三個月王仕正王致和沈銓張鏞周定粟張文英周祥均照例革職留任顧印亮降二級留任俱限一年緝拏張鏞已改補錫山縣敎諭應照離任官例于現任內罰俸一年程國魁照例革職至此案之兼轄各官例有處分人犯具題後在監病故管獄官並無免議之條應行令該撫將兼轄并監斃王二太之管獄官職名一併查叅奉

旨依議



成業堂藏  
卷八

